

Izveštaj nezavisnog revizora

Direktoru i Stručnom savjetu Agencije za nadzor osiguranja FBiH

Mišljenje

Obavili smo reviziju finansijskih izvještaja Agencije za nadzor osiguranja FBiH (Agencija), koji obuhvaćaju na dan 31. decembra 2022. godine, bilans stanja, bilans uspjeha, izvještaj o promjenama na kapitalu i izvještaj o novčanim tokovima za godinu koja je tada završila te napomene uz finansijske izvještaje, uključujući i sažetak značajnih računovodstvenih politika.

Po našem mišljenju, finansijski izvještaji prikazuju objektivno i realno u svim materijalno značajnim stavkama finansijski položaj Agencije na dan 31. decembra 2022. godine, te rezultate njenog poslovanja i promjene u novčanom toku za godinu koja je tada završila, u skladu sa zakonskim okvirom finansijskog izvještavanja u Federaciji Bosne i Hercegovine.

Osnova za mišljenje

Obavili smo našu reviziju u skladu s Međunarodnim revizijskim standardima. Naše odgovornosti prema tim standardima su podrobnije opisane u našem izvještaju u odjeljku o revizorovim odgovornostima za reviziju finansijskih izvještaja. Nezavisni smo od Agencije u skladu s Kodeksom etike za profesionalne računovođe Odbora za međunarodne standarde etike za računovođe (IESBA Kodeksom) kao i u skladu s etičkim zahtjevima koji su relevantni za našu reviziju finansijskih izvještaja u Bosni i Hercegovini i Federaciji Bosne i Hercegovine, i ispunili smo naše ostale etičke odgovornosti u skladu s tim zahtjevima i IESBA Kodeksom. Vjerujemo da su revizijski dokazi koje smo dobili dostatni i primjereni da osiguraju osnovu za naše mišljenje.

Ostale informacije

Uprava je odgovorna za objavu ostalih informacija, koje obuhvataju Izveštaj Uprave. Ostale informacije ne uključuju finansijske izvještaje, te se naše mišljenje ne odnosi na njih niti obuhvata bilo kakvo izražavanje uvjerenja u pogledu ostalih informacija. Naša je obaveza pročitati ostale informacije i razmotriti da li su podložne pogrešnim prikazivanjem. Ukoliko na bazi provedenih revizijskih procedura zaključimo da postoje značajne pogrešne objave u ostalim informacijama dužni smo izvjestiti o tim činjenicama. Na bazi provedenih procedura u reviziji, nismo stekli uvjerenje da postoje značajne pogrešne objave u ostalim informacijama, te u ovom pogledu nemamo nikakve značajne činjenice koje smatramo prigodnim za objavu.

Ostala pitanja

Finansijske izvještaje Društva za godinu koja je završila 31. decembra 2021. godine je revidirao drugi revizor, koji je dana 31. marta 2022. godine izrazio nemodifikovano mišljenje na te izvještaje.

Odgovornosti Uprave i onih koji su zaduženi za nadzor

Uprava je odgovorna za sastavljanje i fer prezentaciju finansijskih izvještaja u skladu s Međunarodnim standardima finansijskog izvještavanja kao i za one interne kontrole za koje Uprava odredi da su potrebne za omogućavanje sastavljanja finansijskih izvještaja koji su bez značajnog pogrešnog prikaza usljed prevare ili greške.

U sastavljanju finansijskih izvještaja, Uprava je odgovorna za procjenjivanje sposobnosti Agencije da nastavi s poslovanjem po vremenski neograničenom poslovanju, objavljivanje, ako je primjenjivo, pitanja povezanih s vremenski neograničenim poslovanjem i korištenjem računovodstvene osnove utemeljene na vremenskoj neograničenosti poslovanja, osim ako Uprava ili namjerava likvidirati Agenciju ili prekinuti poslovanje ili nema realne alternative nego da to učini.

Revizorove odgovornosti za reviziju finansijskih izvještaja

Naši ciljevi su steći razumno uvjerenje o tome jesu li finansijski izvještaji kao cjelina bez značajnog pogrešnog prikaza uslijed prevare ili greške i izdati revizorski izvještaj koji uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s Međunarodnim standardima revizije uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prevare ili greške i smatraju se značajni ako se razumno može očekivati da, pojedinačno ili u zbiru, utiču na ekonomske odluke korisnika donijete na osnovi tih finansijskih izvještaja.

Kao sastavni dio revizije u skladu s Međunarodnim revizijskim standardima, stvaramo profesionalne prosudbe i održavamo profesionalni skepticizam tokom revizije. Mi također:

- prepoznavamo i procjenjujemo rizike značajnog pogrešnog prikaza godišnjih finansijskih izvještaja, zbog prevare ili greške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dostatni i primjereni da osiguraju osnovu za naše mišljenje. Rizik neotkrivanja značajnog pogrešnog prikaza nastalog uslijed prevare je veći od rizika nastalog uslijed greške, jer prevara može uključiti tajne sporazume, krivotvorenje, namjerno ispuštanje, pogrešno prikazivanje ili zaobilaženje internih kontrola.
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u danim okolnostima, ali ne i za svrhu izražavanja mišljenja o učinkovitosti internih kontrola Društva.
- ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorila uprava.
- zaključujemo o primjerenosti korištene računovodstvene osnove utemeljene na vremenskoj neograničenosti poslovanja koju koristi Uprava i, temeljeno na pribavljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu sumnju u sposobnost Društva da nastavi s poslovanjem po vremenski neograničenom poslovanju. Ako zaključimo da postoji značajna neizvjesnost, od nas se zahtijeva da skrenemo pažnju u našem izvještaju nezavisnog revizora na povezane objave u godišnjim finansijskim izvještajima ili, ako takve objave nisu odgovarajuće, da modificiramo naše mišljenje. Naši zaključci se temelje na revizijskim dokazima pribavljenim sve do datuma našeg izvještaja nezavisnog revizora. Međutim, budući događaji ili uslovi mogu uzrokovati da Agencija prekine s nastavljanjem poslovanja po vremenski neograničenom poslovanju.

Mi komuniciramo s onima koji su zaduženi za upravljanje u vezi s, između ostalih pitanja, planiranim djelokrugom i vremenskim rasporedom revizije i važnim revizijskim nalazima, uključujući i u vezi sa značajnim nedostacima u internim kontrolama koji su otkriveni tokom naše revizije.

BDO BH d.o.o.


Lejla Kaknjo, partner i ovlašteni revizor



Sarajevo, 27. februar 2023. godine

BDO BH d.o.o.
Sarajevo
Društvo za reviziju

Agencija za nadzor osiguranja Federacije BiH
 Bilans uspjeha
 za godinu koja je završila 31. decembra 2022.

| (svi iznosi su izraženi u KM) | Napomena | 2022. | 2021. |
|--|----------|--------------------|--------------------|
| Operativni prihodi | 4 | 3.272.560 | 2.916.836 |
| Ostali prihodi | - | 400 | - |
| Ukupno poslovni prihodi | | 3.272.960 | 2.916.836 |
| Troškovi materijala i energije | 5 | (40.378) | (36.253) |
| Troškovi usluga | 6 | (439.204) | (438.945) |
| Troškovi plaća i ostalih primanja zaposlenih | 7 | (2.200.223) | (1.989.150) |
| Trošak amortizacije | 8,10 | (142.043) | (142.859) |
| Ostali operativni troškovi i rashodi | 9 | (83.349) | (58.760) |
| Ukupno poslovni troškovi | | (2.905.197) | (2.665.967) |
| Finansijski prihodi - kamate | - | 50 | 53 |
| Finansijski rashodi | - | - | - |
| VIŠAK PRIHODA NAD RASHODIMA | | 367.813 | 250.922 |

Napomene na stranicama od 8 do 23 čine sastavni dio ovih finansijskih izvještaja.

Agencija za nadzor osiguranja Federacije BiH
 Bilans stanja na dan
 31. decembra 2022. godine

| <i>(svi iznosi su izraženi u KM)</i> | <u>Napomena</u> | <u>31. decembar 2022.</u> | <u>31. decembar 2021.</u> |
|---|-----------------|-------------------------------|-------------------------------|
| IMOVINA | | | |
| <i>Dugoročna imovina</i> | | | |
| Nematerijalna i materijalna imovina | 10 | 1.687.757 | 1.814.548 |
| Dugoročna potraživanja | 11 | 5.037 | - |
| Ukupno dugoročna imovina | | 1.692.794 | 1.814.548 |
| <i>Kratkoročna imovina</i> | | | |
| Novac u banci i u blagajni | 12 | 2.357.079 | 1.837.476 |
| Potraživanja po osnovu naknada | 13 | 143.099 | 147.765 |
| Ostala potraživanja | 14 | 92 | 6.358 |
| Zalihe | 15 | - | - |
| Ukupno kratkoročna imovina | | 2.500.270 | 1.991.599 |
| UKUPNA IMOVINA | | 4.193.064 | 3.806.147 |
| IZVORI I OBAVEZE | | | |
| <i>Izvori</i> | | | |
| Trajni izvori | - | - | - |
| Neraspoređeni višak prihoda | - | 3.549.641 | 3.298.719 |
| Višak prihoda nad rashodima tekuće godine | - | 367.813 | 250.922 |
| Ukupno izvori | | 3.917.454 | 3.549.641 |
| <i>Dugoročne obaveze</i> | | | |
| Rezervisanja | 16 | 42.601 | 42.601 |
| Ukupno dugoročne obaveze | | 42.601 | 42.601 |
| <i>Kratkoročne obaveze</i> | | | |
| Obaveze prema dobavljačima | 17 | 16.293 | 17.947 |
| Ostale obaveze | 18 | 216.716 | 195.958 |
| Ukupno kratkoročne obaveze | | 233.009 | 213.905 |
| UKUPNO IZVORI I OBAVEZE | | 4.193.064 | 3.806.147 |

Napomene na stranicama od 8 do 23 čine sastavni dio ovih finansijskih izvještaja.

Potpisao za i u ime Agencije dana 27. februara 2023. godine:

Ivan Luburić, direktor


